

Lesson 11 ading March 16, 2024

ZION PAN TOPA LUNGGULH



**"Topa huang
sung ka lung
gulh mahmah
a, ka lungsim
le ka pumpi a
nungta Pasian
tungah
lungdam mah
mahin la a sa
hi" (Late 84:2)**



Zion in Jebus (Jerusalem) omna mual i min hi-in, Zion min tawh zong mi tam in kithei hi. David in a zagh khit a kipan Zion khuapi pen “David khuapi” kici hi (2 Sam. 5:6-7). Hun sawtpi khitciang in, Zion in Jerusalem khua bup (Biakinn pi omna leitangh te zong) ahih keileh Isarel minam khempeuh zong a ci khawm nuam min khat in kizangh hi (Late 48:2; 126:1).

Late sungah, Zion cih pen 38 vei kipulak hi. Huhna le hotkhiatna a kisem khia sak Pasian’ teeng/omna ci-in kithei hi (Late 9:11; 14:7; 20:2).

Pasian tawh i kimuh nopleh, Zion ah i pai ding hi (Late 84:7). Tua mun ah, Pasian in phatna ngah hi (Late 9:11; 65:1). Tua munah, tatsa mi in Tuuno’ ii a pawl te tawh om ding hi (Mang. 14:1).



- ➡ Zion thukhen zumte (Late 84).
- ➡ Zion ah kilemna (Late 122).
- ➡ Zion ah a suak’te (Late 87).
- ➡ Zion ah bukna mun (Late 46).
- ➡ A kipkho Zion mual (Late 125).

ZION THUKHEN ZUMTE

Late 84

"Ke'n ka lunggulh mahmah hi. Topa' huangsung ka lunggulh mahmah a, ka lungsim le ka pumpi a nungta Pasain' tungah lungdam mahmahn la a sa hi" (Late 84:2)

Zion thukhen zumte ah
kua hongpai hiam?

Late 84: 1-2,
10

Nakpi tak in
lunggulhna
anei mite

Late 84:3

Neu le lian,
munsang le
kiniamkhiat

Tua munah kua nuam a
hiam?

Late 84:4

Pasian na'
sepna ah
nasem mite

Late 84:5, 12

Pasian muang
in Ama' nung
azui nuamte

Tua munah a paite in
bang sem uh hiam?

Late 84:6

Amau'
kahnate
thupha in laih

Late 84:7

Amaute nisim
in a vanglian
semsem uh hi

Zion thukhen zumte ah a kua'ma peuh
in muhtheih taksa in om theilo ahih
manin (Vantung ah Pasian' omna), Topa
in eite pen Amah tawh kiho ding le eite'
nget nate dawn nading lampi dingin eite
hong thuum sak hi (Late 84:8-9).



Pasian in eite thungetna
hong dawng in eite ading
in "ni" – thupha hongpia
khuavakte – le kidalna
lum hi (Late 84:11).

ZION AH KILEMNA

Jerusalem khuapi, a nopsakna ding thu ngen unla, "Nang hong itte a daupai ta hen." (Late 122:6)

Late 122 in "damdamin," "kahto-in," ahihkeileh "zin kawikawi" cih late bu sungah kihel hi. Kum sim pawi bawl dingin Jerusalem ah pawi siim' zin te hongpai in phatna a pia uh hi.

Zion mual tungah kahto in pawi siim' zinte in kipak' in lasa uh hi: "Jerusalem, kulhkongpi sungah eite i ding khin ta hi!" (Late 122:2).

Zion ah a pai uh ciangin, mi khempeuh in Pasian phat uh hi (Late 122:4). Thukhenna ah buai nate veng sak ding le thumaan zonna hun zong ahi hi (Late 122:5).




Ahizongin Late 122 ah kilangh pen in kilem'nading thungetna hi

Kilem'na pan daupai na (Late 122:6)

Kilem'n pan tawIngak na (Late 122:7)


Kilem'na pan kithutuak in nungta (Late 122:8)

Pasian tawh kimuhna ah a lungdam mi-in a pawlpi ading thu hoih zong ding hi (Late 122:9).



ZION AH A SUAK'TE

Zion tawh kisai-in ahihleh, "Minam khempeuh ama sungpan-a suak ahi hi," kici ding hi. Bang hang hiam cihleh Sangpenpa mahmah in amah kipsak ding hi." (Late 87:5)



Late 87:1-3 → Zion a hoih pen mual

A beisa hun in, Pasian in mite kikaikhawm in biakpiak nading in mun a tuam in bawl sak hi. Tua munte lak ah Shiloh zong kihel hi, ahizongin ama gitlohma hangin kisusia hi (Late 78:58-60; Jer. 7:12).

Biakinnpi a lam khit uh ciangin, Zion in Moriah mual pen umcih hi. Hotkhiat geelna pen a hoih zaw dingin koi mun mah ah kihilh lo hi. Tua ahih manin, "Pasian' khuapi, a vangliatna thute na gen gen ding uh hi" (Late 87:3).

Late 87:4-6 → Zion tanute le tapate

Zion pan hong paikhia gupkhiatna in minam khempeuh tungah lunglut sak hi. Hih gupkhiatna a sang khempeuh in Zion pan a suak bangin ciaptehna ngah ding hi.

Late 87:7 → Lawpna khempeuh i'i bulpi

Zion thu i ngaihsut ciangin phatna hong khang sak hi.

Zion mual pen suang bekbek tawh kidim mualpi hi-in, lei in tuam' hi (Dan. 2:44-45). Tua mual tung pan a suak eite in a tawn tungin i om ding hi (Mang. 14:1).

ZION AH BUKNA MUN

"Vanglian Topa, eite tawh hong omkhawm a, Jakob' Pasian, eima belh ahi hi." (Late 46:11)


Kiim' le paam ah a piang buainate i mai-ngat hi, "Pasian pen i belhna le i hatna hi-a, haksat hun ah hong huh pahpahpa ahi hi" (Late 46:1).

Pasian sepna a theilo mite-in buaina le patauhna, siatna lianpi, le kidona gal a piangsak hi (Late 46:2-3, 6). Ahizongin Pasian in hih kidonate a khawl sak zo ding leh, buaina, patauhna le siatna lianpi a phu zo dingin hih zawh na a nei hi (Late 46:9).

Pasian hong huutna thu honglak ataang te-in Late 46 bup ah a kizeel mah bangin, Pasian in Ama hong huutna vaang in hih mun ah kilak khia hi (Late 48:5, 7-8, 11).

Ahizongin, Pasian in "minamte sung ah tawi sang in; leitung ah pahtawh na [...] " ngah ding hun eite-in i lamen hi (Late 46:10b).

Tua hun liatakin, Pasian in siangtho mun pan in eite a nunna hong piakna lungmuanna a ngah khin hi (Late 46:4), eite-in lungduai takin ngak in Amah tawh i kizop na kipkho sak dingin "daaitak om in, Pasian ka hihna thei un" a ci hi (Late 46:10a).



A KIPKHO ZION MUAL

"Topa a muang mite pen ling' hetlo-in a om tawntung Zion Mual tawh kibang hi."
(Late 125:1)

Late 125 ii ngaihsut in eite hoih takin hong hilh phapha hi:

Late 125:1. Pasian a muang mite pen liing lo-in kip tawntung

Late 125:2. Topa in a mite' kim'kotah ompih tawntung hi

Late 125:3. gitlohma tawntung loding a, na muanna bei sak kei in

Late 125:4. Pasian in a mite ading a pha sepsak tawntung

Late 125:5. Upna i khawl sakleh, bawlsiatna i thuak ding hi

"Lampi kawi ah a zui mite-in, siatna a bawl mite mah bangin Topa
Pasian in amaute sepna bangin paipih ding hi: ahi zongin Israel mite
tung ah kilem'na om ding hi" (Ps. 125:5).



“Mit pen tang khat bek om hileh, vantung lam mitsuan hileh vantung khuavak in kha lungsim tawh hong dim sak ding a, leitung a om nate in man’ a neilo, lunggulhna omlo vante a suak ding hi. Lungsim geelnate-in hong kikheel ding a, Zeisu’ hong thuhilh nate zui ding hi... Na ngaihsutna khempeuh in tawntung ngah ding hamphatna tung ah kip ding hi. Note geelna khempeuh in mailam hun ding, tawntung nunna ading mitsuan in sem ding hi... Lai Siangtho thuman in na nisim nunna khempeuh ah hong tuam ding hi.”

EGW (God’s Amazing Grace, August 31)